

## **A O le fesiligia o le upu moni:**

### **❖ O taimi o sauaga.**

- Na faalauiloaina mai vaega-taimi o sauaga i ni auala eseese se tolu: “tausaga, ma tausaga, ma le afa tausaga” (Tanielu 7:25; 12:7; Faaaliga 12:14); 1,260 aso (Faaaliga 11:3; 12:6); 42 masina (Faaaliga 11:2; 13:5). E tasi lava se vaitaimi o loo faalauiloaina mai: o le 1,260 o aso.
- I le mataupu faavae o le “aso mo le tausaga” (Esera 4:6; Numera 14:34), I le talafaasolopito, o lenei vaitaimi o sauaga e 1,260 tausaga: e mai le 538 – 1798.
- Faapei ona valo’ia, ua saunia e le Atua se nofoaga e fesoasoani ai i le ekalesia faamaoni: o le vao, o ni nofoaga e le’i aina e tagata (Faaaliga 12:6, 14).
- I le taimi o faigata ma sauaga, e ao lava ona mausali le faatuatua o tagata talitonu i le puipuiga o le upu moni, ma sulufa’i atu i le tausiga alofa a le Atua (Salamo 46:1-3).

### **❖ Faamaoni a’o tulituliloaina:**

- O le taimi lava na maua ai le malosi faapolokiki, na amata ai loa ona fai mea pi’opi’o le Ekalesia Roma ma faaoga lona malosi e poloaiina ai tagata uma ina ia usita’ia ana mataupu faale-lotu, ma o le tele o nei tulafono e pi’opi’o ma lē tonu.
- Ina ia taofia le to’atele mai le fouvale atu i lana pule, na ia aveesea mai ai ia te’i latou se mea e sili atu ona taua: O le Afioga lea a le Atua.
- Auā na tula’i mai ni tagata faamaoni, na taita’ina e ala i a’oa’oga a le Tusi Paia ma mulimuli atu i fautuaga a luta, ina ia faamalolosi ma finau e puipuia lo latou faatuatua (luta 1:3).

## **B O le puipuiga o le upu moni:**

### **❖ Faasoaina atu o le Tusi Paia: O Ualetenese**

- O Peteru Ualato (1140-1218), o se mau’oa faipisinisi i Farani o le na lafoa’i lava lona tamaoiga ina ia tala’i atu Keriso, na faavaeina le faalapotopotoga o le “Matitiva i Laiona” po ua lauiloa o “Ualetenese.” O Pope Alesana III na talia lana ta’utinoga o le mativa.
- O a ni amio poo ni uiga a le au Ualetenese?
  - (1) Oi latou na muamua maua le Tusi Paia i la latou lava gagana (I lena taimi, sa na o le gagana Latina, Eleni, poo le Eperu sa avanoa).
  - (2) Talu ai ona o se tusi ua faasaina, o lea sa latou kopiina ai i ni ana, ma natia mai taitai pope na vagaia i latou.
  - (3) Sa latou aveina pea ni vaega faale-tusi paia ma i latou, i ni avanoa paganoa, latou te faasoa atu ai i isi, ma avatu ai i a’i latou le faamoemoe ma le faamalosi’au i le Alii
  - (4) Sa latou faasaoina upu moni faale-tusi-paia sa latou iloa mo le tele o seneturi. Sa lauiloa i latou i lo latou faamaoni ma le ta’utino atu.
  - (5) Na liua nuu uma i saute o Farani ma le itu i matu o Italia, i Piedmont.
  - (6) O le tele o nei nuu na tafiese i le puleaga Faa-pope, ma latou fasia ai le toatele o tagata sa nonofo ai.

### **❖ O le fetu o le toefuata’ina: loane Uikilifi**

- O loane Uikilifi (1324-1384) na ofoina atu le tele o lona olaga e faaliliuina ai le Tusi Paia i le gagana Peretania. O le a se mea na faamalosi ai o ia e faia lea mea? E lua ni mafuaaga: Na liua o ia e Keriso e ala i le Upu; ma le mana’o e faasoa atu le alofa o Keriso i isi.
- O lea lava, na mafua ai ona tupu le feteena’iga ia te ia ma le Ekalesia. Faafetai i ana fesoota’iga ma ni ta’ita’i aloa’ia maualuluga i Egelani, na le faataunuuina ai le oti ia loane nai lima o le Ekalesia.
- I le 1428, o toega o le tino o le tagata na toe fuata’ina na susunu ma lafoina ona lefulefu i le vaitafe. O le faasalalauina o ona lefulefu, na avea o se faailoga i lona tala’aga.

- O se malamalama ititi o le upu moni na faasusuluina e loane Uikilifi na oo atu lava lea i Posemia, i le mea na avatu foi i ai le tala’aga o loane Hasi. O lenei auala, na oo mai ai le upu moni se’ia oo atu lava i le toefuata’ina. Ua amata ona vavala mai lea aso.

❖ **Faamalosī’au le faatuatua: loane Hasi ma isi.**

- **Na tula’i mai isi o le au toefuata’ina, ina ua mavae atu loane Uikilifi:**

- (1) loane Hasi (1370-1415)
- (2) Ielome (1360-1416)
- (3) Tinitali (1494-1536)
- (4) Hulu Latima (1490-1555)

- O le a se mea na maua ai pea lo latou lototetele e faatino ai lo latou suiga ma faafeagai ai pea ma faafitauli ma le oti?

- (1) Sa latou talitonu i folafolaga a Keriso
- (2) Na lava le malosi o Keriso mo i latou e manumalo ai i tofotofoga
- (3) Sa latou maua le olioli i le auai i puapuaga o Keriso
- (4) O Lona faamaoni o se molimau malosi lea i le lalolagi
- (5) Sa latou vaavaai atu i tala atu o le taimi nei, i se lumanai matagofie
- (6) Sa latou iloa o le oti o le faatoilaloina lea o le fili
- (7) Sa latou taofimau i folafolaga oi le Afioga a le Atua

- Na faafalepuipuiina loane Hasi ma susunuina o ia mulimuli ane. Sa ia tusi mai i le falepuipui: “E ma’eu lava le alofa mutimutivale o le Atua ia te a’u, ma le matagofie o Lana tausiga ia te a’u.”
- E faapei lava o folafolaga a le Atua na tausia ai Ona tagata i aso ua mavae, e faapea foi ona la tausia ma alofa mai i a’i tatou i ona po nei.